

畿輔通志卷七十九

略三十四 河渠五 水道五 大清河

大清河第七 卽白溝長流依城豬龍所受諸水之總名

漉水 嘔夷河 堂山水 湯河

以上四水皆山西境內所受以下入直隸界名唐河

鴻上水 逆流河 灣里溝 恆河 三會河 漱玉泉

西電水 廣利渠 客水溝 馬泥河 清水河 柳宿

河

以上十二水皆唐河所自受者

陽城河 北龍泉 堅功泉 西隄北泉 西隄南泉

羊邱溝 曲家泉 清水泉 黑溝水 沈家泉 白城

村溝 湧魚泉 霸龍泉 永豐泉

以上十四水皆陽城河所受匯入唐河者

齊賢莊乾河 古靈山河 龐莊渠 東澗渠 周家營

溝 小王村溝 小陳河 土尾河 段家莊乾河

段村水

以上十水皆引渠入唐河者

府河 一畝泉 雞距泉 申泉 紅花泉 聯寶泉

五花泉 徐河溝 白草溝河 方順河 五雲泉 九

泉水 齊各莊水 放水河 蒲河 豐泉水 白司水

魚水 金綫河

以上十九水皆府河所受匯入唐河者

曹河 徐河 邊吳淀

以上三水皆唐河自受以下更名依城河

長流河 雹河 西考山水 曲水河 雞爪河 新河  
萍泉河 胡渠溝 龔家溝 雜淀 大激淀 殷家  
淀 燒車淀

以上十三水皆長流河所受匯入依城河者

太平閘引河 端村東渠 西渠 淀頭渠

以上四水皆依城河所受以下更名四父河

雙淀 蔡家淀 勞家淀 雄縣蓮花淀 梁古淀 流  
通淀 惟圈淀 光華淀 河洛淀 龍王淀 光淀  
絲窩淀

以上十二水皆四父河于郭里口所會者

豬龍河 沙河 靈邱河 北流河 鷄子河 班峪河  
臙脂河 當城河 溫泉 雲蒙泉 平陽河 圓覺泉

陳家莊泉 靈河 曲逆溪 曲河 郃河 甘泉河

沙溝 龍門溝 賈木溝 蓮花池 龍泉池 滋河

汧河 慈峪河 袞袞水 大名莊溝 劉家莊溝 木

刀溝 林河 曹河溝 浴河 海眼泉 無極護城河

陳家莊溝 清水溝 孟良河 太平溝 趙家溝

觀家溝 塔兒溝 羊村溝 龍堂溝 定州小清河

布裏河 白洋淀 馬家河 延福淀 蠡子窪 牛蹄

窪 大滂淀 馬棚窪 楊家淀 中麥淀 小麥淀

萆子淀 郝淀 石猴淀 石白淀 前潭淀 後潭淀

以上六十二水皆豬龍河所逕受匯入四父河者以下  
更名四角河

月漾橋引河 大港引河 馬道支河 燒香淀 新開

趙王河

以上五水皆四角河所分逕者以下始名大清河

白溝河 拒馬河 涑水 烏龍潭 牝兒溝 清溪小

河溝 薊城司河溝 鐵嶺小河 紫涼清水河 中易

水 紫荊關水 雙峰村水 大石溝水 許家村水

大蘭村河 獨石口水 水峪口河 軍士川 泰甯山

水 上岳各莊河 下岳各莊河 分水嶺小河 沙峪

口水 黃蒿峪水 白楊泉 駱駝灣河 道攔河 馬

跑泉乾河 迎紫河 馬村河 十度河 漏水壩 石

槽溝 胡良河 杖引泉 白玉泉 琉璃河 龍泉河

七斗泉 北沙河 南沙河 涼水河 壩兒河 俠

活河 灌河 天橋湖 牝牛河 廣陽河 雅河 茨

尾河 牝牛支河 茨村溝 潘各莊溝 柳河營溝  
蠻子營溝 香營溝 張家溝 紫泉河 斗門河 蘭  
溝河 西槐河 瓦濟河

以上六十二水皆白溝河所受匯入大清河者

龍灣河 柴禾淀 五官淀 里長閘引河 高橋引河

王克鋪引河 茅兒灣 神機營淀 史各莊河

以上九水皆大清河所逕受者以下更名玉帶河

古藏糧河 維柳河 十望河 魚津窪 通濟河 會

同河 中亭河 盧僧河 蜈蚣河 金門閘引河 臺

山河 韓家溝 劉家溝 王家泊河 郭家窪 磨磨

淀 勝芳引河 文安蓮花淀 紫草泊 勝芳河 辛

張河 張家嘴河 石城淀 石溝河 托蓮淀 鴻鵠

淀 筆筒淀 沙尖淀 南漚

以上二十九水皆玉帶河所受者以下更名臺頭河

黃汊河 灰窩淀 大水套 蛤蜊泊

以上四水爲臺頭河所受者以下復名大清河亦曰淀河

蒿浪泊 顛兒河 王家河 于家河

以上四水又大清河所受者以下合北運河歸海

通計大清河所匯四大總河及西東兩淀共受有名之

水二百六十有六

其諸淀之不相近者及舊潰之堙絕者不在列

大清河水道

大清河者總集七十二清河之委而匯入兩淀者也其上流支派紛繁自北至南計之大小約共分四支若龍泉琉璃胡

良等河卽水經之聖水合拒馬河卽涑水又合北中二易水

爲北支總其委者曰白溝河若雹河卽南易水合毖渾等水

爲別支

南北中三易獨南易別流故曰別支

總其委者曰長流河

按諸書紀載每以長流依

城混爲一河其實長流乃南易之尾在北流逕新安城南依城乃府河之尾在南流逕安州城北其中亦有支河相通又

東始合下與四及河接

若唐河卽水經之滏水合恆雹

南雹也

徐蒲等河

按唐河舊道東南至祁州三岔口合沙滋二水爲豬龍河而今則轉而東北合府河不由昔時故道矣

爲中支

總其委者曰依城河

卽府河其下亦名溫義河

若沙河卽古派水合滋河

卽水經汾水篇之資承水是爲南支總其委者曰豬龍河

一名

高陽河

此四總河所受諸水皆東歸於兩淀天津府志曰西淀

受七十二清河之水而東淀承之淀河

卽大清河流至天津之別名

洩之

三岔

在蘇橋鎮東王帶河至此分南北中三汊其北中兩汊俱合中亭河南汊卽大清河正流

四叉一名四股

河在新安城東南十五里保定府志上承溫義中流爲叉一通王家寨一通寨南一通淀頭一通四角東達任邱趙北口

白洋白洋淀西屬安州北屬新安東屬任邱南屬高陽其下達四角四角在任邱縣西北五十七里四角

者南接高陽河由白洋淀入西接長流河由四支河入北接白溝河由燒車淀入合流而東復由柴禾淀入保定縣界合

於玉為七十二河之門戶柴禾此淀在雄縣東南二十里為白溝長流高陽下流之所匯

茅灣在雄縣東四十里上接柴禾淀下通玉帶河為諸水經流要口中亭即大清河分流之北支其下至揚芬

港合玉玉帶即大清河經流之別名在中亭河又為西淀之南東北流至揚芬港與中亭河合

咽喉統為自古清河會歸之地其名清河者以北鄰永定南

界滹沱水皆渾濁此介其間獨能清激故曰清河而七十二

數又相傳約計之詞實不盡於此也按安瀾志曾引徵以足其數然亦取此遺彼未

為定論惟水必舉其綱羣流乃有所埏清河實兼眾水之名水

經於聖水拒馬水易水滹水各自分編清河則一見於沽河

篇釋為派河之尾再見於淇水篇謂淇水過廣宗縣東為清

河酈注復引水經笥溝至泉州縣與清河合自下為派河尾

作證夫沽河乃今北運河淇水則今南運河支派懸絕而其末流所合互攝通稱顧皆以爲派河之尾派河今沙河也舊道原與滋河同會滹水於祁州然水經滹水東過安國縣北

卽今祁州

酈注並無合派水資承明文卽滋水亦附於汾水篇注

行唐縣石白谷下但云資承滹沱之水轉山東之漕亦未言其尾合清河也而今唐河於道光六年改行陽城河道東合府河以達依城河則正合於古酈注滹水又東北逕依城北世謂之依城河又東北至長城注於易水此易水應指南易卽雹河其下爲長流與依城河合者也是依城河原滹水正流之尾若長城則在今文安縣界

一統志長城自文安直接大城延袤百餘里相傳燕

趙分界處水經注易水篇東至文安縣與滹沱合史記蘇秦曰燕長城以北易水以南正謂此長城在易水之南也

並白溝拒馬而悉會合矣又况水經敘滹水所逕自唐縣南

過安憲縣南

今定州

安國縣北

今祁州

博陵縣南

今饒陽縣

酈注逕蠡

吾縣故城南

今博野縣

皆今孟良沙滋合唐河之故道觀此益知

所謂泲河尾者卽漚水尾也蓋兩淀爲七十二清河所匯而

總其下流者見於水經泲河尾總其上流者見於酈注依城

河乃皆以漚水標舉可知古以漚水爲清河之幹矣故今敘

清河水道亦自中支唐河始

唐河卽漚水以行逕唐縣故謂之唐河酈注於中山唐城望

都諸泉之入漚者多以唐水目之此亦唐河之所由昉也山

海經高是之山漚水出焉又高氏之山其下多玉多箴石諸

繩之水出焉水經酈注引作高氏之山漚水出焉蓋是氏古

字通用也

按漢蕩陰令張遷表張是輔漢卽張氏也吳志氏儀後亦姓是王懋野客叢書書是非作氏非乃本

漢志至元孫氏爲莊王此又以氏爲是也

高氏山者卽今羣

安瀾志乃謂道元訛高是爲高氏過矣

屏山也山西通志翠屏山滹水所源一名石銘陁以水經注  
山上有石銘題言冀州北界故世謂之石銘陁也渾源州舊  
志翠屏山高千餘丈周十里卽高氏之別名東南接靈邱界  
元和志蔚州靈邱縣滹夷水一名滹水出縣西北高氏山蓋  
此山原界兩境之間也

在渾源東南  
靈邱西北

道元曰卽滹夷之水顏

師古曰嘔夷出平舒今廣靈縣西境也南與靈邱西境渾源  
皆接壤地名雖異紀載實同至於以嘔夷爲卽祁夷水乃水  
經注註沿周禮鄭注之誤

已辨見前永定河  
卷內壺流河條下

安瀾志駁之良

是而以嘔夷謂當從水經注作溫夷則又非須知溫夷乃俗  
刻之譌古本水經注原作滹夷也又以嘔夷與滹水苦分爲  
二力辯嘔夷入滹之誣而引汾水篇嘔夷之澤在太原境內  
爲證以明與大同府屬遙不相及直以道元謂卽滹夷之水

斷爲誤釋豈知漚夷有二哉所謂嘔夷之澤者周禮職方氏并州其澤嘔夷是也卽水經注之鄔城泊山西通志亦減呼作嘔澤一名蒿澤在介休縣東三十二里北辛武村若此嘔夷之水則漚水之西源也山西通志渾源州山川有嘔夷河據云唐河有三源翠屏山漚水鎗鋒嶺東嘔夷河湯頭鋪溫泉匯爲漚水流經唐山縣又爲塘河水經注卽嘔夷之水是漚水嘔夷河溫泉并稱矣無庸析作二水通志所載頗晰足爲安瀾志解惑蓋以介休嘔夷之澤謂與漚水無涉則誠然而謂渾源並無嘔夷之水則不可也今按漚水出渾源州南七里翠屏山東麓龍嘴村是爲正源東南流而嘔夷河乃自西來會

嘔夷河漚水西源也山西通志謂出渾源州東南五十里

鎗鋒嶺

一作搶風嶺

實則嘔夷河乃流經其東麓其源尙在柵

子溝西也統觀渾源州山位以恆山爲主而翠屏山在玉

華山北玉華則南連恆山鎗鋒嶺又在恆山之南孫臚山

之北要皆恆嶽支峰也嘔夷河實匯山泉而成不能細指

故就其流所逕以爲出於鎗鋒嶺柵子溝耳但觀渾源州

境南界邊牆其西南爲凌雲口

在渾源州西南三十五里

又西迤北爲

嘔夷城口又西爲北樓口

在應州東南四十里

嘔夷城卽以嘔夷河

名也在孫臚山之西南而孫臚山之北卽鎗鋒嶺此亦可

見嘔夷爲西源矣

按樂史寰宇記於此靈邱高氏之嘔夷乃謂卽職方并州之嘔夷貽悞後人

山西通志其水東南流由鎗鋒至金峰石溝堂山之水自

西北來會又東入漣水合而東南流距州百里至湯頭鋪

而湯河又自北岸來會

湯河澁水東源也酈注所謂溫泉水出西北暄谷東南流逕興豆亭北又東南注於澁按一統志興豆亭在渾源州東南暄谷則統志通志皆未詳所在蓋上流已久涸絕矣今湯河亦變爲寒水

謹案水經注於溫泉入澁之後又東莎泉水注之考莎泉有二山西通志所載在廣靈縣西三十里者人壺流河之莎泉也若明一統志所載莎泉在懷仁縣後魏嘗以之名縣者則水經注入澁之莎泉也一統志曰莎泉故城在靈邱縣西後魏置隋書地理志靈邱縣北齊省莎泉入焉夫懷仁在渾源州西迤北靈邱在渾源州東迤南而魏齊皆以莎泉名縣此亦見莎泉自西北而東南流矣其靈邱縣西之莎泉故城卽道元所謂莎泉亭

也惟今泉已淤涸舊蹟無存史稱魏太延二年八月丁亥詔廣平公張黎發定州七郡一萬二千人通莎泉道知在當時已就堙塞今雖有無名小水隨流埒入如蔡家峪泉之類未便臆爲傳會也又統志以靈邱縣放回山之滋水爲莎泉似屬不合

滹水旣合滹夷湯河三源畢會東南流逕隘門山

在靈邱縣東南距城

二十里

元和志山在靈邱東南十五里兩岸層崖刺天河流排

盪奪口奔入澗谷俱鳴其上有石垣培累相傳爲宋楊延昭

三關遺址又東南山西界盡入直隸廣昌縣西南界仍東南

流逕龍門村由泉塘口入邊又曲折東南流行四十里至上

城口入唐縣西北界始改名唐河由大茂山東南流三十里

至倒馬關

在唐縣城西北一百六十里元和志稱在唐縣西北一百十三里蓋就唐治西城而言又曲

折東流二十里又五里至黃石口

與北岸河  
北村相對

又歷逕鶴峪口

岳家台花塢北當等處行四十餘里至苑家會又東錯入完縣界逕神北神南等村行二十里復入唐縣界逕北鴻南鴻二城卽晉書地道記所稱鴻上關也有鴻上水自西北來入之

鴻上水在縣西北七十里洪城村史記正義徐廣曰鴻上

水源出葛洪山

山在唐縣西北七十里乃恆山之支麓一名清虛山舊傳葛稚川養丹於此故名

水自壁出曰浴丹泉酈注所謂出近溪東流注於滹也

唐河又行十二里復錯入完縣界逕盤古南班野里等村行十五里仍折入唐縣界歷逕唐梅歇馬百合諸莊父子山村行二十里至長峪西南有逆流河自東來注之

逆流河源出中山城粟山西

粟山在唐縣北十三里

卽水經注所稱